

祥符縣志

符縣志卷之四

古蹟志

城 岳 岡 海 邱 門 宮 堂 館

衙 臺 樓 亭 池 園 苑 洞 峽

渚 汧

自古在昔先民有作何此都之多陳跡也乃若
禪通蝌蚪戰國龍蛇名王有應教之賓開府盛
陪軒之客五代金戈鐵馬壁壘猶存趙家燠館
涼臺烟花漸歇一起一伏代禪代興日月其除

祥符縣志

卷四

古蹟城

一

仰思俯愜望古

所由興懷也爰合志

古蹟

城

倉皇城在縣城北時和保世傳倉頡所築

梁王城在縣城西北二里即梁惠王之故城

博浪城在縣城北三十里一名博浪沙亭即張良

令力士擊秦始皇處一云在陽武縣東南三

唐胡曾詩云嬴政鯨吞六合秋浚郊田

邱山東不是無公子何事張 教

明李夢陽詩云博浪沙中挈椎走鴻門帳前
玉斗誰謂張良貌如婦赤帝子起鞭赤龍臣也
請歸從赤松赤松子在何許君不見朝烹狗暮
縛虎

小黃城在縣城東北詳見沿革表

新里城在縣城西南詳見沿革表

汴故城肇建于唐宋藝祖擴大之其址曲而宛如
蚓蟠拙耆老相傳趙中令鳩工奏圖初取方直
四面皆有門坊市經緯其間井井繩列藝祖覽

祥符縣志

卷四

古蹟
城

一一

而怒取筆塗之命以幅紙作大圈紆曲縱斜旁
注云依此修築故城卽當時遺跡熙寧時神宗
屢欲改作卒不敢更第增陴而已政和間蔡京
擅國亟奏廣其規以便宮室苑囿之奉命宮侍
董其役周環數十里一撤而方之如矩墉堞樓
櫓雖甚藻飾而蕩然無復曩時堅樸之規靖康
末北馬南牧粘罕幹離不揚鞭城下有德色曰
是易攻耳下令植砲四隅隨方擊之城旣引直
一砲所擊一壁皆潰藝祖沉幾遠睹至是始

元王憚詩云大梁城外草萋萋八月行人散
蹄汴水波濤流未穩宋宮花草徑還迷千年
井銀床冷百尺層臺石獸低試問夷門何處是
秋風殘日鷓鴣啼

青城在縣城南門外宋之齋宮城殿皆以青布爲
之政和間始易以甌故名

康王城在縣城北宋高宗爲康王時築

岳

艮岳壽山所在詳見山川宋徽宗初未有嗣道士

祥符縣志

卷四

古蹟
岳

三

劉混康以法籙符水出入禁中言京城東北隅
地協堪輿倘形勢加以少高當有多男之祥始
命爲數仞崗阜已而後宮生子漸多帝甚喜於
是命戶部侍郎孟揆築山象餘杭之鳳凰山號
曰萬歲山旣成更名曰艮岳周迴十餘里宣和
六年有芝產于艮岳之萬壽峯改名壽岳一曰
壽山後燬於兵

宋徽宗御製艮嶽記畧云於是按圖度地庀材
僱工累土積石岡連阜屬東西相望前後相續

左山而右水沿溪而傍隴連綿而彌滿也
則高峯峙立其下植梅以萬數綠萼承趺芬芳
馥郁結構山根號萼綠華堂又傍有承嵐崑雲
之亭有屋內方外圓如半月是名畫館又有八
仙館屋圓如規又有紫石之巖祈真之磴攬秀
之軒龍吟之堂其南則壽山嵯峨兩峯並峙列
嶂如屏瀑布下入雁池池水清泚漣漪鷺鳧浮
泳水面棲息石間不可勝計其上亭曰噉噉北
直絳霄樓峯巒崛起千疊萬複不知其幾十里

其西則參朮杞菊黃精芎藭被山彌塢中號藥
寮又禾麻黍麥菽豆秔秫築室若農家故名西
莊上有亭曰巢雲高出峯岫下視羣嶺若在掌
上自南徂北行岡脊兩石間綿亘數里與東山
相望水出石口噴薄飛注如獸面名之曰由龍
淵濯龍峽蟠秀練光跨雲亭羅漢巖又西半山
間樓曰倚翠青松蔽密布於前後號萬松嶺上
下設兩關出關下平地有大方沼中有兩洲東
爲蘆渚亭曰浮陽西爲梅渚亭曰雪浪

流爲鳳池東由爲研池中分二館東曰流碧西
曰環山館有閣曰巢鳳堂曰三秀以奉九華玉
眞安妃聖像東池後結棟山下曰揮雲亭復由
磴道盤行縈曲捫石而上旣而山絕路隔繼之
以木棧倚石排空周環曲折有蜀道之難躋攀
至介亭此最高於諸山前列巨石凡三丈許號
排衙巧恠巉巖藤蘿蔓衍若龍若鳳不可殫窮
麓雲半山居右極目蕭森居左北俯景龍江長
波遠岸彌十餘里其上流注山澗西行潺浮爲

漱玉軒又行石間爲煉丹亭凝眞觀園山亭下
視水際見高陽酒肆清斯閣北岸萬竹蒼翠翳
鬱仰不見天有藤云菴躡雲臺消閒館飛岑亭
無雜花異木四面皆竹也又支流爲山莊爲回
溪自山蹊石罅塞備下平陸中立而四顧則巖
峽洞穴亭閣樓觀喬木茂草或高或下或遠或
近一出一入一榮一彫四面周匝徘徊而仰顧
若在重山大壑深谷幽巖之底不知京邑空曠
坦蕩而平夷也又不知郭郭環會紛萃而填

也 天遣地設神謀化力非人所能爲者此
共梗槩焉耳

張淏良嶽記畧云是時海內又安築山號壽山
艮岳命宦者梁師成專董其事時有朱勔者取
浙中珍異花木竹石以進號曰花石綱專置應
奉局於平江所費動以億萬計調民夫以十萬
計搜巖剔穴幽隱不置一花一木曾經黃封護
視稍不謹則加之以罪斲山輦石雖江湖不測
之淵力不可致者百計以出之至名曰神運舟

楫相繼日夜不絕廣濟四指揮盡以充輓士猶
不給時東南監司郡守二廣市舶率有應奉又
有不待詔旨但行進物至都計會宦官以獻者
大率靈璧太湖諸石二浙奇竹異花登萊文石
湖湘文竹四川佳果異木之屬皆越海渡江鑿
城郭而至後上亦知其擾稍加禁戢獨許朱勔
及蔡攸入貢竭府庫之積聚萃天下之伎藝凡
六載而始成亦呼爲萬歲山奇花美木珍禽異
獸莫不畢集飛樓傑觀雄偉瓌麗極於化

經河水淤平

晉邱在汴一名清邱又名元池昔簡狄浴於晉邱之水元鳥遺卵吞之遂生契

門

夷門所在詳見山川

宋趙與峇賓退錄云侯嬴爲夷門監者按大梁城門東曰夷門則夷門者大梁之一門耳後人遂直指汴京爲夷門非也容齋續筆辯臺城少

祥符縣志

卷四

古蹟
宮

八

城類此

安上門宋新城之西南門也熙寧七年監門鄭俠上流民圖卽此

沙門在縣城西東和保沙積深厚其形似門故名小陡門在縣城西永安保宋時疊石砌闌以積汴水今圯

宮

汴故宮在縣城內正北本宋之大內金人廣之皇城南外門曰南薰門南薰之北曰新城門新

之北曰丹鳳門丹鳳之北曰文武樓其東曰大廟其西曰郊社正北曰承天門雙闕前引東西左右兩掖門承天之北正殿曰大慶殿東廡曰嘉福樓西廡曰嘉瑞樓大慶之後曰德儀殿正內曰隆德殿隆德之次曰仁安殿仁安之次曰純和殿純和之次曰寧福殿寧福之後由苑門而北曰仁智殿有二大石左曰敷錫神運萬歲峯右曰玉京獨秀太平巖苑門東曰仙韶苑北曰湧翠峯東連長生殿又東曰湧金殿蓬萊殿

祥符縣志

卷四

古蹟
宮

九

西曰浮玉殿曰瀛洲殿南曰閱武殿又南曰安泰門東曰壽聖宮北曰徽音院又北曰燕壽殿徽音壽聖東曰太后苑苑有慶春殿明洪武十一年卽其故址建周王府 國朝改爲貢院今恭建

萬壽宮

太乙宮有三一在城東南之蘇村爲東太乙宮一在城西南之八角鎮爲西太乙宮一卽五嶽觀之舊址爲中太乙宮後燬于兵

宋宋敏求春明退朝錄云太宗時建東太乙宮於蘇村遂列十殿而五福君綦二太乙居前殿冠通天冠服絳紗袍餘皆道服霓衣天聖中建西太乙宮前殿居五福君綦大遊三太乙亦用通天絳紗之制餘亦道服霓衣熙寧五年建中太乙宮內侍主塑像乃請下禮院議十太乙冠服禮院乃具兩狀一如東西二宮之制一請盡服通天絳紗會有言亳州太清宮有唐太乙塑像上遣中使視之乃盡服王者衣冠遂詔如亳

州之制時文彥博乞罷修太乙宮不聽

文彥博乞罷修太乙宮疏云臣伏見修建太乙宮爲民祈福臣聞太乙天神之貴者天道貴質凡所營繕理宜簡質不務雕鏤之功不事金碧之華不重費不太勞不日成之神明安之虔潔之誠內充天人之心交感神應之福其理必然臣又見累年以來禁中營造不已船運木石鳩集丁匠殆無虛日既有專切提舉修內司復置都大提舉內中修造司誠恐所司各以宏麗改

職也然臣愚不知宮之所以興與廢凡材用之所從出敢昧死請乃命有司具其事以詔臣軾始太宗皇帝以聖文神武佐太祖定天下既卽位盡以太祖所賜金帛作上清宮朝陽門之內旌興王之功且以五代兵革之餘遺民赤子請命上帝以至道元年正月功成民不知勞天下頌之至慶歷三年十一月有司不戒於火一夕而燼自是爲荆棘瓦礫之場凡三十七年元豐二年三月神宗皇帝始命道士王太初居宮之

故地以法籙符水爲民禳禳民趨歸之稍以其力脩復祠宇詔用日者言以宮之所在爲國家子孫也乃賜名上清儲祥宮且賜度牒與佛廟神祀之遺利爲錢一千七百四十七萬又以官田十四頃給之刻玉如漢張道陵所用印及所被冠佩劍履以賜太初所以寵之者甚備宮未成者十八而太初卒太皇太后聞之喟然嘆曰民不可勞也兵不可役也大司徒錢不可發也而先帝之意不可以不成乃勅禁中供奉之

務從約損斥賣珠玉以巨萬計凡所謂天下養者悉歸之儲祥積會所賜爲錢一萬七千六百二十八萬而宮乃成內出白金六百三十餘兩以爲香火瓜華之用召道士劉應真嗣行太初之法命入內供奉官陳衍典領其事起四年之春訖六年之秋爲三門兩廡中大殿三旁小殿九鐘經樓三石壇一建齋殿於東以待臨幸築道館於西以居其徒凡七百餘間雄麗靚深爲天下偉觀而民不知有司不與焉嗚呼其可謂

至德也已矣臣謹按道家者流本出於黃帝老子其道以清淨無爲爲宗以虛明應物爲用以慈儉不爭爲行合於周易何思何慮論語仁者靜壽之說如是而已自秦漢以來始用方士言乃有飛僊變化之術黃庭大洞之法太上天真木公金母之號延壽赤明龍漢開皇之紀天皇太乙紫微北極之祀下至於丹藥奇技符籙小數皆歸於道家學者不能必其有無然臣嘗竊論之黃帝老子之道木也方士之言末也其

本而未自應故仁義不施則韶濩之樂不能以
降天神忠信不立則射鄉之禮不能以致刑措
漢興蓋公治黃老而曹參師其言以爲治道貴
清靜而民自定以此爲政天下歌之曰蕭何爲
法較若畫一曹參代之守而勿失載共清靜民
以寧壹其後文景之治大率依本黃老清心省
事薄斂緩獄不言兵而天下富臣觀上與太皇
太后所以治天下者可謂至矣檢身以律物故
不怒而威捐利以予民故不藏而富屈己以消

兵故不戰而勝虛心以觀世故不察而明雖黃
帝老子其何以加此本旣立矣則又惡衣菲食
卑宮室陋器用斥其贏餘以成此宮上以終先
帝未究之志下以爲子孫無疆之福宮成之日
民大和會鼓舞謳歌聲聞於天天地喜答神祇
來格祝史無求福祿自至時萬時億永作神主
故曰脩其本而未自應豈不然哉臣旣書其事
皇帝若曰大哉太祖之功太宗之德神宗之志
而聖母成之汝作銘詩而朕書其首曰上清

祥宮碑臣軾再拜稽首獻銘曰天之蒼蒼
非邪其視下也亦若斯也我作上清儲祥之
無以來之其肯我從元祐之政媚於上下何脩
何營曰是日者民懷其仁吏服其廉鬼畏其正
神予其謙帝既子民維子之視云何事帝而瘠
其子允哲文母以公滅私作宮千柱人初不知
於皇祖宗在帝左右風馬雲車從帝來狩閱視
親宮察民之言佑我文母及其孫孝孫來饗
左右耆耇無競維人以燕我后 爲祥文母

祥符縣志

卷四

古蹟
宮

十六

所培我膺受之篤其成材千石之鐘萬石之簠
相以銘詩震於四海

元許有壬上清儲祥宮記畧云宮始太宗作於

朝陽門外

蘇碑
作內

不五十年而火又三十七年復

事修建歷十三年而後成蓋元祐六年也翰林
學士承旨蘇公作碑未幾誣以失實毀之令蔡
京別撰金源氏復葺翰林侍讀學士趙秉文有
記歲壬辰元兵下汴宮觀僅存師徒解散時全
眞之教方興長春公起海濱至西域見上論道

以脩身治國撫民止殺爲對上大悅長春法系之弟爲太古郝公太古傳栖雲王公長春以汴重陽觀故基實主教重陽眞君昇化之地命栖雲主之營建幾三十年是爲朝元宮丞相史公復請兼主太一上清諸官觀事惟上清爲潦水所圯規模宏濶力不能復命巨提點者購地於惠和坊爲畝六十撤故宮材崇三清之殿於前次列眞之宇於後神門壇壝左右雲堂四周接屋餘百楹雖非其地而名不泯也

祥符縣志

卷四

古蹟
宮

十七

玉清昭應宮在朝陽門東大中祥符元年初議營是宮安寘天書命有司料功須十五年乃就脩宮使丁謂令以夜繼晝每繪一壁給二燭至七年十一月宮成凡二千六百二十楹制度閎麗屋宇少不中程式雖金碧已具必令毀而更造有司莫敢較其費天聖七年夏六月丁未夜大雷雨宮內火起至曉宮室幾盡僅存長生崇壽二小殿范雍王曙等以爲災變之來若有警者除其地罷諸禱祀以答天怒乃下詔不復繕

脩以長生崇壽二小殿改爲萬壽觀宋史云
宗大中祥符元年作玉清昭應宮奉天書也知
制誥王曾上疏諫不聽

宋王曾乞罷營玉清昭應宮疏云臣伏觀聖朝
誕受殊祥薦膺秘籙祚洪圖於萬葉超盛烈於
百王陛下寅畏寶符陟封名岳功垂不朽澤浸
無垠奉若之心斯爲至矣而清衷濬發成命亟
行就嚴城之北隅啟列眞之秘宇式昭丕應特
建嘉名自經始以來庀徒斯廣輦他山之石相

祥符縣志

卷四

古蹟
宮

十八

屬於道途伐豫章之材遠周於林麓累土陶甃
揮鍤運斤功極彌年費將鉅萬掩祈年之舊制
踰禱日之前聞輟貴近以董臨假使權而領護
如此則尊奉靈文之意不爲不厚矣崇飾臺觀
之規不爲不壯矣然而臣之愚懇或異於斯旣
有見聞安敢緘默臣以爲今之興作有不便之
事五焉雖鳩僦已行未可悉罷苟或萬一采芻
蕘之說省其功用抑其制度亦及民之大惠而
憂國之遠圖也所謂五者之目請爲陛下陳之

國家立宮規制宏大所用材木莫非榷楠竊天下出產之處搜採過多搬運赴宮尤傷人力雖云只役軍匠寧免煩擾平民况復軍人亦是黎庶此未便之事一也邇者方畢封崇頗煩經費今茲興造尤耗資財雖府庫之中貨寶山積畚築之下工徒子來然內帑費積代之蓄藏百物盡生民之膏血散之孔易斂之惟難雖極豐盈尤宜重惜此未便之事二也夫聖人貴於謀始智者察於未形禍起隱微危生安逸今雙闕

之下萬衆畢臻暑氣方隆作勞斯甚所役諸雜兵士多是不逞小人其或鼠竄郊鄙狗偷都市有一於此足貽聖憂此未便之事三也王者撫御寰區順承天地舉動必遵於時令裁成不失於物宜靡崇奢侈之風罔悖陰陽之序臣謹按月令孟夏無發大衆無起土功無伐大木今肇基卜築衝冒鬱蒸俶擾厚坤乖違前訓矧復旱暵肆虐雷電迅風拔木飄瓦温沴之氣比屋罹災得非以失承天地之明效歟此未便之

也臣竊聆中間符命之文有清淨育民之戒今所修宮閣蓋本靈篇而乃過興剖掘之功廣務雕鏤之巧雖屢殫於物力恐未協於天心此未便之事五也伏望遵祖宗之大猷察聖賢之深戒遷思回慮懲往念來詔將作之官息勤苦之衆輯寧羣品對越高穹如此則遐邇宅心人祇快望必若光昭大瑞須建靈宮將相畢勞聿爰成績則臣敢效愚計亦可必行但能損彼規模減其用度止崇樸素無取瑰奇惟將之以誠明

仍重之以嚴潔名數之際加等是宜實費之資節儉爲要俾四海之內知陛下愛重民力之意豈不美歟

葉少蘊石林燕語云大中祥符七年玉清昭應宮成王魏公爲首相始命充使宮觀置使自此始後每爲見任宰相兼職天聖七年呂申公爲相時朝廷崇奉之意稍緩因上表請罷使名自是宰相不復兼使康定元年李若谷罷參知政事留京師以資政殿大學士爲提舉會靈事

之象鑄九鼎四年三月九鼎成詔爲殿
安各周以垣上施睥睨墁以方色之土外
築垣環之名曰九成宮中央曰帝鼎其色黃祭
以土王曰此爲大祠幣用黃樂用宮架北方曰
寶鼎其色白祭以冬至幣用皂東北曰牡鼎其
色白祭以立春幣用皂東方曰蒼鼎其色碧祭
以春分幣用青東南曰岡鼎其色綠祭以立夏
幣用緋南方曰彤鼎其色紫祭以夏至幣用緋
西南曰阜鼎其色黑祭以立秋幣用白西方曰

鼎其色赤祭以秋分幣用白西北曰魁鼎其
色白祭以立冬幣用皂八鼎皆爲中祠樂用登
歌享用素饌復於帝鼎之宮立大角鼎星之祠
寶成宮在九成宮之南大觀三年詔以鑄鼎之地
作寶成宮總屋七十區中置殿曰神靈以祀黃
帝東廡殿曰成功以祀夏后氏西廡殿曰持盈
以祀周成王及周公旦召公奭後置堂曰昭應
以祀唐李良及隱士嘉成侯魏漢津詔每歲八
月二十五日舉祀事祀黃帝爲大祠

用宮架其成功持盈二殿爲中祠幣用白昭
堂爲小祠並用素饌後俱燬於兵

宋馬端臨文獻通考云按三代之九鼎未聞有
神司之而列之祀典也崇寧時用方士魏漢津
之說鑄九鼎而各以其方色祭之抑不知司鼎
者何神歟至於因采首山銅之說而祀黃帝因
貢金九牧之說而祀夏后氏因定鼎邾鄆之說
而祀成王周召然此數聖賢之所以當祀者固
不以鼎也若魏漢津則當時獻言鑄鼎之方士

祥符縣志

卷四

古蹟
宮

一三三

耳乃亦尸而祝之俾侑食於數聖賢其褻慢不
經亦甚矣

朝元萬壽宮在城內汴河之側金兵燬之今延慶
觀卽朝元萬壽宮之齋堂也

宋周密癸辛雜識云朝元宮殿前有大石香鼎
二製作高雅熙春閣前原有十餘座徽宗每宴
熙春則用此燒香於閣下香烟蟠結凡數里有
臨春結綺之意朝元宮虛皇臺亦上清移來者
下有青石礎二刻龍鳳團花極工巧舊時是朱

温椒蘭殿舊物臺上有拜石方廣二丈許光瑩如碧玉四畔刻龍鳳雲霞環繞內留品字三方素地云是宣政內醮時徽廟立於中林靈素王文則居兩旁也

龍德宮在城內西北隅宋徽宗潛邸及卽位廣之易今名有壺春堂後燬於兵

延福宮在城安遠門內宋徽宗建規制精巧後燬於兵

堂

祥符縣志

卷四

古蹟
堂

一二十四

宋明堂在縣城內宋政和七年建今圯

資善堂在縣城內元符觀南宋仁宗肄業處大中

祥符八年建天禧四年徙御厨北今圯

宋朝會要云大中祥符九年二月詔元符皇子

就學之所宜以資善堂爲名

繼聖堂在縣治東宋太宗習射地今圯

宋宋敏求東京記云太宗尹京日於官署東建堂習射大中祥符二年閏二月眞宗臨幸宰臣請以繼聖爲名許之

能勝人世之論天者皆不待其定而求之故以
天爲茫茫善者以怠惡者以

之壽孔顏

之厄此皆天之未定者也松柏生於山林共始
也困於蓬蒿厄於牛羊其而終也貫四時閱千
歲而不改者其天定也善惡之報至於子孫而
其定也久矣吾以所見所聞所傳聞考之而其
可必地審矣國之將興必有世德之臣厚施而
不食其報然後其子孫能與守文太平之主共
天下之福故兵部侍郎晉國王公顯於漢周之

際歷事太祖太宗文武忠孝天下望以爲相而
公卒以直道不容於時蓋嘗手植三槐於庭曰
吾子孫必有爲三公者已而其子魏國文正公
相眞宗皇帝於景德祥符之間朝廷清明天下
無事之時享其福祿榮名者十有八年今夫寓
物於人明日而取之有得有否而晉公修德於
身責報於天取必於數十年之後如持左券交
手相付吾是以知天之果可必也吾不及見魏
公而見其子懿敏公以直諫事仁宗皇帝

侍從將帥三十餘年位不滿其德天將復
氏也歟何其子孫之多賢也世有以晉公比李
栖筠者其雄才直氣真不相上下而栖筠之子
吉甫其孫德裕功名富貴略與王氏等而忠信
仁厚不及魏公父子由此觀之王氏之福蓋未
艾也懿敏公之子鞏與吾遊好德而文以世其
家吾是以錄之銘曰嗚呼休哉魏公之業與槐
俱萌封植之勤必世乃成既相真宗四方砥平
歸視其家槐陰滿庭 个人朝不及夕相時

祥符縣志

卷四

古蹟
堂 館

一二十七

射利違邨厥德庶幾 倖不種而穫不有君子
其何能國王城之東晉公所廬鬱鬱三槐惟德
之符嗚呼休哉

館

信陵館在縣城內信陵君延士處今圯

元雷瑄詩云閒過信陵館有懷信陵君君去日
已遠誰憐抱關人徑携一壺酒往酌公子墳墳
久漸已平其木幾爲薪泉扉鎖長夜千載不復
晨昔爲賢俊遊今爲狐兔隣豪貴竟安在念之

心如焚有生會歸盡但恐後無聞此意不可必
且醉梁園春

柳林館在縣城東之南神岡保宋時都人遊宴之
所後淪於水

同文館在縣城大梁門外西北宋時待高麗使臣
之所後燬於兵

班荆館在縣城封邱門外宋時待番使之所後燬
於兵

禮賓館舊名番譯院在金梁橋西南汴河南岸景

祥符縣志

卷四

古蹟
衙臺

二十八

德三年改爲禮賓院後燬於兵

衙

南衙在縣城內宋開封府尹包拯聽政處卽舊開

封府治

臺

造字臺在縣城北時和保世傳倉頡造字之所今
圯

唐岑參詩云野寺荒臺晚寒天古木悲空堦有
鳥跡猶似造書時

靈臺在縣城南二十里戰國魏侯瑩所築一名

惠王臺今圯

吹臺在縣城東南三里按九域志卽繁臺也本師
曠吹臺漢梁孝王增築之一曰平臺後建禹王
廟於上廟後有唐杜甫李白高適三賢祠又附
何景明李夢陽爲五賢祠或云吹臺乃梁惠王
所築詳見辨誤

宴臺在縣城東北十五里宋時春耕藉田於東郊
祀先農畢享胙宴百官於此今圯

祥符縣志

卷四

古蹟
臺樓

二十九

拜郊臺在縣城南十里其東又有東拜郊臺俱宋
時築今圯

迎秋臺在縣城固子門外後唐莊宗築宋都人於
此登高今圯

百花臺在縣城固子門外宋徽宗築今圯

沙兀臺在縣城東南鄭店保臺上有鄭安平廟今
圯

奉天臺在縣城布政司治後明洪武初車駕幸汴
築以爲燔柴之所後淪於水

祭封臺在縣城南薰門外明洪武初車駕幸汴
以爲祭神之所今圯

樓

望京樓卽縣城西門樓舊無名後以唐令狐綯登
樓詩有望京字因名

唐令狐綯詩云夷門一鎮五經秋未得朝天未
免愁因上此樓望京國便名樓作望京樓

遇僊樓在城南薰門內金時有狂僧李菩薩者嘗
就楊廣道趙君瑞兩家宿一日大寒楊與之酒

祥符縣志

卷四

古蹟
樓

三十

若愧無以報者晨起持酒盃出聞其暝酒聲入
曰花開矣已而牡丹果開兩花時正大四年十
月也人異其事因以名樓今圯

昇平樓在宋大內需雲殿東舊名紫雲爲宮中觀
宴之所明道初改今名後燬於兵

明月樓在縣城內州橋南街東明洪武十五年因
其遺址爲稅課司

黑樓子在宣平坊勾欄街之北卽金相崔立看

樓

在縣城鄭門外瓊花苑內

在縣城內鼓樓北街西

樓在縣城內鼓樓北街西

玉樓在縣城新橋東北

狀元樓在縣城新橋東北

豐樂樓在縣城內土市子街舊名樊樓宋徽宗建

宋劉子翬詩云梁園歌舞足風流美酒如刀割

斷愁憶得承平多樂事夜深燈火上樊樓

和樂樓在城內土市子街舊名莊樓

祥符縣志

卷四

古蹟
樓

三十一

得勝樓在城內得勝橋側

鐵屑樓在城內土市子街

慶豐樓在城內土市子街

楊樓在城內土市子街

玉川樓在城內土市子街

欣樂樓在城內土市子街

潘樓在城內土市子街

會僊樓在城內雷家橋北

熙熙樓在城內第三巷東

在城南薰門外西南

清風樓在縣城外西南

宜城樓在縣城大梁門外街北

班樓在縣城大梁門外街北

看牛樓在縣城仁和門外

蜘蛛樓在縣城麗景門外

劉樓在縣城內金梁橋下

八僊樓在縣城北

集賢樓在縣城鄭門外

祥符縣志

卷四

古蹟
樓亭

三十一

蓮花樓在縣城鄭門外宋時士大夫餞別於此

宴賓樓在縣城金明池之西

以上自明月樓而下皆宋都人遊賞之所湮廢已久今無存者

亭

新亭在縣城內唐汴州刺史令狐楚建今圯

看街亭在縣城南薰門內宋時建今圯

信陵亭在縣內相國寺戰國魏公子無忌遊賞

地舊有亭

公子亭在縣城麗景門外公子謂無忌也

縣城內東北隅上方寺之右魏公子無
左以待侯生處今於其地建祠祀公子并
朱亥三賢焉

大梁亭在縣城大梁門外西偏相傳梁孝王宴客
之所今圯

唐韋應物詩云梁王昔愛才千古化不泯至今
蓬池上遠集八方賓車馬平明合城郭滿埃塵
逢君一相許豈要平生親入仕三十載如何獨
未伸英聲以籍籍臺閣多故人置酒發清彈相

祥符縣志

卷四

古蹟
亭池

三十三

與樂佳辰孤亭得長望白日下廣津富貴良可
求竭來西入秦秋風旦夕起安得客梁陳

流盃亭在縣城內西北隅世傳梁孝王遺迹今圯
唐李商隱詩云身屬中軍少得歸木蘭花盡失
春期偷尋柳絮到城外行過水西聞子規

駐蹕亭在縣城內布政司圓堂之後明洪武初車
駕幸汴詔建行宮比去留大旗以鎮中原後因
構亭表之今圯

攬秀亭在縣城舊貢院內今圯

城東春秋時宋之蓬澤也瀾漫遠濶
氏境其下有溫泉焉漢志引汲冢竹書云
梁惠王發蓬忌之藪以賜民浚儀有蓬陂忌澤
是也唐元宗更名福源池天寶初士大夫禊飲
於此經河水淤平

金明池在縣城西鄭門外西北周迴九里餘周顯
德四年欲伐南唐始鑿池習戰宋政和二年於
池內建殿宇池門內南岸西去百餘步有臨水

祥符縣志

卷四

古蹟
池

三十四

殿北去百餘步有僊橋朱漆欄楯下排鴈柱中
央隆起如飛虹之狀橋盡處殿正在池中四岸
文石甃之南有高臺上有橫觀廣百丈許曰
津樓樓之南有宴殿殿西有射殿南有橫街牙
道柳徑乃都人擊毬之所車駕臨幸觀騎射百
戲於此後燬於兵
宋葉少蘊石林燕語云金明池龍舟太宗時造
每歲春駕上池必登之紹聖初亦嘗命別造形
制有加於前亦號工麗余時正登第在京師

成瓊林賜宴蔡魯公爲承旨中休往登以觀至
半輒墜未幾不免相繼哲宗臨幸是日大風晝
冥池水盡波儀衛不能立竟不能移跬步自後
遂廢不用

方池圓池在縣城南薰門外玉津園之側宋太宗
臨幸遊賞之所今淤

迎祥池在縣城普濟水門之西宋眞宗時鑿今淤
凝碧池在縣城東南繁臺之側唐爲牧澤宋眞宗
時鑿爲池後爲河水所淤

祥符縣志

卷四

古蹟
池園

三十五

蓮花池有二一在縣城北 保一在縣城西北

永安保俱宋時鑿今淤

曲江池在艮岳壽山下今淤

鳳池在艮岳壽山下今淤

雁池在艮岳壽山下今淤

平池在艮岳壽山下今淤

園

梁園在縣城東南三里一名菟園一名梁苑

爲漢 主遊宴之地築吹臺於苑中

詳見辨誤

梁園吟云平臺爲客幽思多對酒遂作
歌却憶蓬池阮公詠因吟淥水揚洪波
林園在縣城固子門內東北宋太宗在晉邸時
太祖賜其地爲園卽位後號潛龍園內有池淳
化三年帝幸其池謂近臣曰昔尹京日無事嘗
飲池上今池邊之樹已成喬木矣又顧教坊使
郭守忠曰汝等前以樂童從我今亦皓首矣何
光陰易過如此因登水心亭習射中的者上親

祥符縣志

卷四

古蹟
園

三十六

酌滿舉大白詔羣臣盡醉復廣其地號奉眞園
天聖七年改名芳林園後燬於兵

玉津園在縣城南薰門外

下松園在縣城西鄭門外

藥朶園在縣城西水門外

養種園在縣城西水門外

一丈佛園在縣城西南

季良園在縣城西南

縣城南鳳城岡

奉靈園在縣城陳州門內西北

靈禧園在縣城陳州門內東北

集祉園在縣城西南

同樂園在縣城固子門內

以上玉津諸園皆宋時都人遊集之區今無存者

苑

瓊林苑在縣城西鄭門外俗呼爲西青城宋時建苑爲宴進士之所與金明池南北相對其中松栢森列百花芬郁苑東南隅政和間創築華嘴

祥符縣志

卷四

古蹟苑

三十七

岡高數丈上有橫觀層樓金碧相射下有錦石纏道寶砌池塘柳鎖虹橋花縈鳳舸又有名池梅亭牡丹諸亭不可勝數

宋韓琦詩云春光濃簇寶津樓樓下新波漲鴨頭嘉節難逢眞上已賜閒榮入小瀛洲仙源雨過花遺曆御陌風長絮滾毬楔飲不須辭巨白清明來日尙歸休

迎春苑在縣城麗景門外東北舊名東御苑宋初宴進士之所每歲迎春於此後改富國倉

宜春苑有二一在固子門外宋人號西御園一在麗景門外號東御園

宋王安石詩云宜春舊臺沼日暮一登臨解帶行蒼蘚移鞍坐綠陰樹疎啼鳥遠水靜落花深無復增修事君王惜費金

牧苑在縣之陳橋東北宋牧養馬駝牛羊之所

以上諸苑俱爲金元兵燬今無存者

洞

老君桐在艮岳壽山之西北宋徽宗供奉道象之

祥符縣志

卷四

古蹟
洞 峽 渚

三十八

所今圯

迷真洞在艮岳壽山之下今圯

桃花洞在縣城揚州門內西北卽上清宮道士所居處環植以桃故名桃花洞今圯

峽

濯龍峽在艮岳壽山之間金人展城夷之

渚

蘆渚在艮岳壽山之下今湮

梅渚在艮岳壽山之下宋徽宗於平池內作兩洲

